

# TARDE NUESTRE – SORRENTO = 1 A 0...NOTTE CA JEVE, FRIDDE CA FACEVE....

L'ha mann't Aldo "Diecipalazzine"  
martedì 31 gennaio 2012

Ce fridde ajere sere o lacovone nuestre! Securamende in curve stavene cavete cavete, piccè stavene stritte stritte. E ppure piccè honne candade pe totte 'a partite. Sus 'a gradenate stavene cchiù larghe, ma suse 'a trebune, mbece, sbracate proprie. Le tefuse honne fatte 'a pagnolade!

Certe cristiane decevene: Ma ce jé 'a pagnolade? Na cose ca se mange? Ehehehe! Noooone! Jè quanne tutt'assieme ventelescene le fazzette vianghe accome fanne in Spagne! Piccè? Benevende ca s'ha fatte luà le punde de penalizzazione. Ca mica so' fesse quidde! S'honne mmise c' 'a cape e honne riuscite. Otre nuje! E si! Nuje sime segnure! Nemmanghe 'u recorse avime fatte! Bah! Cose strane!

Mo, parlame d' 'a partite. U Tarde nuestre ha accuemenzate lione lione e ste facemme subbete gol. A fine d' prime timbe ame avute 'a punizione a ddoje ind' area de rigore. Cose da pacce! Da mo ca no' nge vedeve 'a cosa accussi? Mendre le doje allenatore sté scevene ind' alle spogliatoie, s'honne arrajate e honne state scettate fore dall' arbitre. O seconde timbe, Ginestra n' otre picche ne ste faceva 'a feste; ma 'a palle ha sciute a sbattere suse a traverse. BREMEC ha salvate 'a partite o'ra vote! Ma o quarandeseme, DI BARI ha fatte 'u gol ca ha scuffulate 'u cambe. Aspééééééé! L'Arbitre aveve date 'u gol ma 'u segnalibbre, mbece, avev'azate 'a bandierine. Madòòò! Ce uaje ca ste succedeva. Ma dope tanda discussiune 'u gol ha state date. Menumale accome n' ha sciute! Beh! Stateve bbuene.! Viareggio n' attocche. Mettiteve 'a maskere! Ehehe!